



ENTIDAT PÚBLIKO  
BONEIRU



22 yüli 2020

Kontesta riba preguntanan  
mas hasi relashoná ku  
biahamentu pa Boneiru i  
COVID-19



Aki bou bo ta haña un bista general di e preguntanan mas tantu hasí ku nan kontesta, relashoná ku COVID-19 i biahamentu pa i for di Boneiru.

Departamentu di Komunikashon di Entidat Públiko Boneiru a formulá e informashon aki, den koperashon ku departamentu di Salú Públiko i otro interesadonan. Kontinuamente ta aktualisá e lista aki.

Nos ta publiká e bista general aki mas aktualisá posibel. E desaroyonan rònt di COVID-19 ta imprevisibel i pa e motibu ei kondishonnan i sirkunstansianan por kambia kada momentu. Nos ta konsehá bo pa wak ki ora tin komunikado di prensa di Entidat Públiko Boneiru riba nos página di Facebook (Gobièrnu di Boneiru) i den medionan di komunikashon di Boneiru.

No por derivá ningun derecho for di e informashon den e bista general di preguntanan mas tantu hasí i nan kontesta (FAQ) aki.

## KUA TA E PAISNAN KU NA E MOMENTU AKI BONEIRU TA KONSIDERÁ KOMO RIESGO ABOU PA COVID-19?

Entrante 1 di yùli 2020 esakinan ta pa Boneiru:

E islanan ku ta den e 'air-bubble': Aruba, Kòrsou, Saba, St. Eustatius i St. Maarten.

- Hulanda
- Alemania
- Bélgika
- Fransia
- Suisa.

Biaheronan ku ta yega for di e paisnan aki, ta haña entrada na Boneiru, bou di e kondishon ku nan ta kumpli ku e kriterionan pa drenta Boneiru (wak: kua ta e kondishonnan pa biaha pa Boneiru?).

Asina ku e lista di pais kambia, lo anunsia esaki mas pronto posibel pa medio di un komunikado di prensa.

Enfátikamente ta deskonsehá pa biaha pa Boneiru for di otro pais ku esunnan den e lista mensioná aki riba. Tur gastu ku ta embolí ku yegada tòg na Boneiru for di un pais di salida ku Boneiru a kualifiká komo no-seif, manera obligatoriamente biaha bèk mesora òf medidanan di karentena imponé, ta kompletamente pa kuenta di e biahero mes.



# This is what a longer title looks like, it is placed over two lines



## KUA TA E KONDISHONAN PA POR BIAHA PA BONEIRU?

Bo por biaha pa Boneiru si bo:

- yena un deklarashon di salú.
- a permanesá minimalmente 14 dia konsekutibo den un pais di riesgo abou pa COVID-19 (na e momentunan aki esakinan ta e 'air-bubble' Aruba-Boneiru-Kòrsou, Saba-St. Eustatius-St. Maarten, Hulanda, Alemania, Fransia, Bèlgika i Suisa).
- Si bo no ta kumpli ku esaki, direktamente despues di yegada bo tin ku bai den karentena (riba gastu propio).
- na momentu di salida di e pais bo no tin keho ku ta kuadra ku COVID-10 (fèrkout di nanishi, doló di garganta, tosamentu, nistermentu, pèrdida di holó i sabor, kayente di kurpa, kentura).
- E último 14 dia bo no tabatin kontakto direkto ku un pashènt di COVID-19 konfirmá.

Banda di esaki Boneiru ta konsehá tur hende ku tin 13 aña òf mas, i ku ke biaha pa Boneiru, pa pasa un tèst di PCR pa COVID-19. Na momentu ku e persona ta sali pa Boneiru resultado di e tèst aki no mester ta mas bieu ku 72 ora.

Banda di esei Boneiru ta konsehá hendenan ku ta biaha pa Boneiru pa kontrolá si nan ta sigurá pa gastunan di malesa durante nan estadia na Boneiru, i si esaki no ta e kaso, sera un seguro di biahe pa esaki.

## DIKON MI TIN KU SERA UN SEGURO DI BIAHE?

Gastunan médiko ku un biahero hasi na Boneiru ta pa su propio kuenta, gastunan relashoná ku COVID-19 tambe. Biaheronan mes ta responsabel pa sera un seguro di biahe.

Tuma kontakto ku bo kompania di seguro pa averiguá si nan ta kubri gastunan ku bo a hasi pa kuido médiko na Boneiru.

## KUA TA E REGLANAN PA PASAHERONAN KU DEN TRÁNSITO TA BAHANAN AVION NA BONEIRU?

Tanten ku e pasahero por keda na bordo di e avion, e reglanan di e destinashon final ta vigente. Si e tránsito ta dura mas tantu i ta pidi e pasaheronan pa baha for di avion i sinta den sala di embarke te ora di salida pa e siguiente destinashon, e reglanan di aeropuerto ta vigente (wak e protokól di Flamingo Internashonal Airport). Den kaso ku, debí na sirkunstansianan imprebisto, tòg bo tin ku keda Boneiru, e ora ei e reglanan ta vigente manera nan ta pa biaheronan ku a bini Boneiru for di áreanan ku no ta seif: e ora ei departamentu di Salú Públiko lo informá bo tokante esei. Durante e biahe naturalmente e reglanan di higiena di e kompania di aviashon ta vigente.



# This is what a longer title looks like, it is placed over two lines



## NA UNDA MI POR HAÑA E DEKLARASHON DI SALÚ I KON I NA UNDA MI TIN KU ENTREGÁ ESAKI?

Bo por yena e deklarashon di salú 'online' via <https://bonairepublichealth.org/en/form>. Despues ku bo a yena esaki, bo ta risibí un imeil ku e formulario ku bo a yena i un karta di bon biní den kua bo ta haña e informashonnan mas importante relashoná ku COVID-19 pa durante bo estadia na Boneiru. Si nan ta haña esaki nesario, departamentu di Salú Públiko lo tuma kontaktó ku bo promé ku bo biaha.

Bo tin ku prent e formulario ku bo a yena òf warda un kopia digital den bo telefon, tèblet òf kòmputer. Un empleado di departamentu di Salú Públiko por pidi bo pa mustra esaki.

## NAN TA TÈST MI NA AEROPUERTO DI BONEIRU?

Na e momentunan aki ta konsehá pa promé ku salida laga hasi un tèst di PCR pa COVID-19, ora ku bo ta biaha pa Boneiru for di un pais pafó di e 'air-bubble', kualifiká komo seif. Den kaso ku departamentu di Salú Públiko ta haña ku ta nesario ku na momentu di yegada bo tin ku pasa un tèst, e ora ei na e momentu ei nan lo determiná na unda lo hasi e tèst.

## HENDENAN KU TA BIAHA SALIENDO FOR DI BONEIRU

### KUA TA E KONDISHONAN PA BIAHA FOR DI BONEIRU?

E kondishonnan pa baiha pa destinashonnan saliendo for di Boneiru ta kai bou di responsabilidadat di bo destinashon. Wak e kondishonnan pa e pais di destinashon riba

<https://www.nederlandwereldwijd.nl/reizen>,

òf tuma kontakto ku e kompania di aviashon ku bo ta biaha kuné, òf bo agente di biahe, òf wak riba un wèpsait di e pais di destinashon.

Ora ku bo ta biaha saliendo for di Flamingo Bonaire International Airport, bo tin ku tene bo mes na instrukshonnan di aeropuerto. Esakinan bo por haña aki:

<http://www.bonaireinternationalairport.com/wp-content/uploads/2020/06/PROTOCOL-BIA-COVID-19-Versie-3-22-6-2020-def.pdf>.

## COVID-19 TÈST I MANEHO DI TÈST

### KUA TA E MANEHO DI TÈST PA COVID-19 SI BO TA PERMANESÉ ÒF TA BIBA NA BONEIRU?

Serka tur persona ku e siguiente kehonan:

- Fèrkout di nanishi
- Nanishi ku ta kore
- Nistermentu





- Doló di garganta
- Tosamentu
- Sintu benout
- Kayente di kurpa
- Kentura

Pèrdida diripiente di holó òf sabor ta hasi un tèst di COVID-19. Tur hende ku tin keho respiratorio mester isolá nan mes te ora ku resultado di e tèst dreña.

## KIKO E TÈST DI COVID-19 PROMÉ KU BIAHA PA BONEIRU MESTER KUMPLI KUNÉ?

Ta konsehá biaheronan ku ta dreña Boneiru i ku tin 13 aña òf mas pa laga hasi un tèst di COVID-19, 72 ora promé ku nan biaha. Esaki relashoná ku salú públiko di habitantenan di Boneiru.

E tèst aki mester kumpli minimalmente ku e siguiente kondishonnan:

- Solamente resultado di un tèst di PCR ta bálido. Pa e tèst aki ta hasi un sitologia (uitstrijkje) di nanishi i garganta ku un 'q-tips'.
- Un laboratorio akreditá mester hasi e tèst.
- Resultado di e tèst no mag di ta mas bieu ku 72 ora na momentu di yegada na Boneiru.

## NA UNDA MI POR LAGA HASI UN TÈST DI PCR pa COVID-19 NA HULANDA?

Aktualmente vários partido ta ofresé un tèst di PCR pa hendenan ku ta bai biaha. Aki bou ta sigui algun ehèmpel:

- KLM health services
- Het Huisartslab
- Saltro laboratorium

## MI TA OBLIGÁ PA LAGA HASI UN TÈST DI PCR ORA MI TA BIAHA PA BONEIRU?

Boneiru no por pone obligatorio pa un hende ku ta bai biaha pa e laga hasi un tèst di PCR 72 ora promé ku e biaha. Fuertemente Gezaghèber ta konsehá hendenan ku ta biaha pa Boneiru pa laga hasi e tèst aki. Den esaki e ta hasi un apelashon riba sentido di responsabilidat di e biahero, na benefisio di su propio salú i salú públiko na Boneiru. Esaki relashoná ku e karakter di eskala chikitu di e isla i disponibilitat di fasilidat di kuido den region.

Den e deklarashon di salú ta puntra bo si bo a laga hasi un tèst di PCR dentro di 72 ora promé ku salida, i kiko e resultado tabata.





## MI A LESA KU TÈST KOMERSIAL POR TÈST POSITIVAMENTE TAMBE SI 3 LUNA PASÁ BO TABATIN CORONA. ESEI TA KUADRA?

Boneiru ta aseptá solamente resultado di tèst ku nan a ehekutá den un laboratorio akreditá. Ku esaki e chèns ku nan ta duna un resultado positivo inbálido ta mas chikitu posibel. Den e kaso ku tin un resultado positivo di e tèst di PCR, promé ku biaha pa Boneiru, e ora ei tuma kontakto ku bo dòkter òf e outoridat di salú den bo pais, i sigui nan instrukshonnan mas aleu.

## KARENTENA I ISOLASHON RELASHONÁ KU COVID-19

### KI ORA BO TIN KU BAI DEN KARENTENA SENTRAL I KI ORA BO POR BAI DEN KARENTENA NA KAS?

Biaheronan ku ta bini for di paisnan ku un riesgo abou pa COVID-19, no tin keho i no tin otro partikularidat mas aleu, no tin mester di bai den karentena ora nan yega Boneiru.

E siguiente personanan mester bai den karentena:

-Biaheronan ku maksimalmente 14 dia promé ku nan biaha pa Boneiru a permanesé na un pais di riesgo haltu, mester bai direktamente den karentena ora nan yega Boneiru na un sitio sentral di karentena i e gastunan ta pa e biahero.

-Tambe bo tin ku bai den karentena si un persona ku ta biba den mes kas ku bo of un hende ku bo tabata den kontakto personal direkto kuné, a tèst positivo pa COVID-19. E karentena aki ta tuma lugá den bo propio kas (di vakansi), kamber di hotèl òf na un sitio di karentena indiká, dependiente di e motibu di e karentena i e sirkunstansianan na bo propio adrès (di vakansi). Departamentu di Salú Pùbliko lo informá bo tokante e sitio kaminda bo tin ku bai den karentena, i e reglanan ku bo mester tene bo mes na nan.

Den koperashon ku doñonan di hotèl na Boneiru a indiká un hotèl ku ta sirbi komo karentena sentral.

Ta importante pa hendenan ku ta biaha pa Boneiru sa ku e gastunan di karentena ta pa nan propio kuenta.

### KI ORA BO TIN KU BAI DEN ISOLASHON I BO POR BAI DEN ISOLASHON NA KAS ÒF NA BO ADRÈS DI VAKASHON?

Si bo tin keho ku ta kuadra ku COVID-19, ta pidi bo pa keda paden, limitá kontakto ku hendenan di kas te na un mínimo i no risibí bishita. Esaki nos ta yama isolashon. Tuma kontakto ku departamentu di Salú Pùbliko di Boneiru (+599) (0) 800 – 13 51 relashoná ku hasimentu di un tèst di PCR.

Isolashon ta tuma lugá den e kas di vakashon, kamber di hotèl, den propio kas òf na un sitio di isolashon indiká si e situashon na e adrès di vakashon no ta adekuá pa isolashon. Den koperashon ku doñonan di hotèl na Boneiru a indiká un hotèl ku ta sirbi komo sitio di isolashon sentral.

E gastunan di esaki ta pa kuenta di e persona ku nan a pone den isolashon, si bo no ta habitante di Boneiru. ZVK ta kubri e gastunan aki pa habitantenan di Boneiru ku ta sigurá via ZVK.





## PA TUR HENDE KU TA BIBA NA BONEIRU I TA PERMANESÉ (TEMPORALMENTE) NA BONEIRU

KUA TA E REGLANAN DI KOMPORASHON KU TUR HENDE NA BONEIRU MESTER KUMPLI KUNÉ?

Tur hende na Boneiru, habitantenan i bishitantenan, mester kumpli ku e siguiente reglanan di komportashon i higiena:

- Mantené 1,5 meter di distansia for di personanan ku no ta forma parti di bo hendenan di kas.
- Regularmente laba bo mannan ku awa i habon: usa produkto pa desinfektá man solamente ora no tin awa i habon disponibel.
- No pone bo mannan na bo kara.
- No duna otro hende man.
- Tosa òf nister den bo èlebog.
- Usa lensu di papel, tira esaki afó despues di uso.
- Keda kas (no bai traha, no bai skol, no bai kaya pa por ehèmpel hasi kompra) ora bo tin ku

kontestá positivamente riba un di e siguiente preguntanan:

- Durante e último 24 ora òf na e momentu aki bo tin un òf mas di e siguiente kehonan: fèrkout di nanishi, nanishi ku ta kore, nistermentu, doló di garganta, tosamentu leve, sinti benout, kayente di kurpa, kentura i/òf pèrdida diripiente di holó òf sabor?
- Bo tabatin e vírùs di corona nobo (determiná ku un tèst di laboratorio) i a determiná esaki den e último 7 dianan?
- Tin hende di kas ku e vírùs di corona nobo (determiná ku un tèst di laboratorio) i den ménos ku 14 dia bo tabatin kontakto ku e hende di kas aki, miéntras ku ainda e tabatin keho?
  - Bo ta den karentena na kas, pasobra bo tabatin kontakto direkto ku un persona serka kende nan a determiná e vírùs di corona nobo?
- Si durante e último 14 dia bo a biaha pa paisnan ku no ta Aruba-Kòrsou-Saba-St. Eustatius-St. Maarten, Hulanda, Alemania, Fransia, Bélgika i Suiza.

KI KORA MI TIN KU BISTI UN TAPABOKA (MONDKAPJE)?

Na Boneiru bo tin ku bisti un tapaboka (mondkapje) ora no ta posibel pa mantené un distansia di 1,5 meter for di otronan, ku no ta forma parti direkto di bo hendenan di kas. Banda di esei semper bo tin ku bisti un tapaboka (mondkapje) ora ku bo yega Boneiru òf ora bo ta sali for di Boneiru na Flamingo Bonaire International Airport i durante bo transporte pa bo adrès di vakashon.





KUA NUMBER MI POR YAMA ORA KU  
MI TA PASA E ORA EI?

TIN KEHO RELASHONÁ KU COVID-19 I  
KIKO

Ora bo tin e siguiente kehonan:

- o Fèrkout di nanishi  
Nanishi ku ta kore
- o Nistermentu  
Doló di garganta
- o Tosamentu  
Sinti benout
- o Kayente di kurpa  
Kentura
- o Pèrdida diripiente di holó i sabor

bo tin ku tuma kontakto ku departamentu di Salú Públiko via number di telefon (+599) (0) 800 – 13 51. Sigui e instrukshonnan ku bo ta haña einan. Si nan por konfirmá bo kehonan, nan lo regla ku bo ta bai hasi tèst pa COVID-19. Ta importante pa bo isolá bo mes si bo tin keho respiratorio. Esaki ta enserá ku bo ta keda kas, no ta risibí bishita i ta limitá kontakto ku bo hendenan di kas te na un mínimo.

o  
KEN TA PAGA E GASTUNAN SI MI TA KONTAGIÁ KU COVID-19 ÒF MESTER BAI  
DEN KARENTENA?

Si nan imponé un medida di karentena riba bo, bo mes ta responsabel pa e gastunan ku ta embolbí ku esei.

Si nan pone bo den isolashon, e ora ei esei ta gastu di malesa: si bo seguro di gastu di malesa ta kubri esei ta dependé di e kondishonnan di bo kompania di seguro di malesa. Pa habitantenan di Boneiru ku ta sigurá via ZVK, ZVK ta kubri e gastunan di isolashon. Pa otronan ta akonsehabel pa kontrolá bon serka bo kompania di seguro kua ta e gastunan ku nan ta kubri.

## PREGUNTANAN GENERAL

DIKON NA BONEIRU OTRO REGLA TA VIGENTE KU NA KÒRSOU I/ÒF ARUBA?

Kada isla ta stipulá su propio instrukshonnan pa por drenta e isla, di manera ku esakinan ta konektá mas mihó posibel ku e situashon lokal i di manera ku nan ta kuadra ku kompetensianan di gobièrnu di e islanan.

Kontinuamente ekspertonan i trahadónan di maneho di e 6 islanan ta den konsulta ku otro i tambe ku Hulanda tokante e instrukshonnan pa drenta e islanan. Mas tantu posibel ta sinkronisá e reglanan ku otro







## AKTUALMENTE TIN UN ORDENANSA DI EMERGENSIA APLIKABEL NA BONEIRU?

Na e momentunan aki e ordenansa di emergensia di 14 di yüli 2020 ta na vigor. Den esaki a fiha e kondishonnan a base di kua por duna biaheronan aksesu na Boneiru, i e medidanan di karentena ku ta na vigor. E informashon den e vershon di FAQ (preguntanan mas tantu hasi i nan kontesta) aki ta den liña ku esaki.

## A BASE DI KIKO TA KONSIDERÁ KU UN PAIS TA ‘SEIF’ ÒF ‘DI RIESGO HALTU’?

Kada dos siman a base di konsehonan di RIVM ta pone den balansa kua ta e paisnan ku mester konsiderá komo seif i kua ta e paisnan ku mester konsiderá komo di riesgo haltu, den relashon ku kapasidat di kuido di salú di e isla.

## KON BON KAPASIDAT DI KUIDO TA NA ÒRDU NA BONEIRU?

Boneiru huntu ku dòkternan di kas, hòspital, salú públiko, laboratorionan i Entidat Públiko Boneiru na fin di yùni a kontrolá tur aspekto di kuido relashoná ku COVID-19. Por ehèmpel a wak maneho di tèst, investigashon di fuente i kontakto, maneho di karentena i isolashon i kuido agudo / médiko. Riba tur e puntonan aki a konkluí ku en prinsipio nan ta sufisientemente organisá, di manera ku por spera ku konfiansa riba fleksibilisashon di e medidanan.

## KUA TA E PROTOKÒLNAN KU AKTUALMENTE TA VIGENTE?

A base di konseho di RIVM, Boneiru a formulá algun regla di komportashon i medida pa entrada na Boneiru. A base di esakinan den koperashon estrecho ku departemantu di Salú Públiko a formulá e siguiente protokòlnan:

- Protokòl general pa turismo: <https://www.tourismbonaire.com/includes/2020-covid19-tourist-protocol.pdf>
- Protokòl pa Flamingo Bonaire International Airport: <http://www.bonaireinternationalairport.com/covid-19-protocols-at-bonaire-international-airport/>
- Protokòl pa Haf di Boneiru: dentro di poko ta pone esaki riba: [www.tourismbonaire.com](http://www.tourismbonaire.com)

Por haña e protokòlnan aki komo anekso serka e Roadmap Bonaire COVID-19.

Banda di esei organisashonnan individual i empresanan a formulá nan propio protokòlnan: tokante esaki nan ta komuniká via nan propio kanalnan.





### Kuantu tempu informashon di turista mester keda wardá?

Pa investigashon di fuente i kontakto ta importante ku maksimalmente 14 dia despues ku e bandoná Boneiru ainda por aserká un turista den kaso ku konstatá kontagio ku COVID-19 serka un hende ku kende e turista aki posibelmente tabata den kontakto. Pa e motibu aki departamentu di Salú Pùbliko ta warda informashon i kontakto di bishitantenan di Boneiru te 14 dia despues ku nan bandoná nos isla.

Nos hotèlnan, 'resort'-nan i transportadónan di turista ta traha ku un diario (logboek) den kua nan ta nota tur posibel momentu di kontakto ku i entre e turistanan. Esaki tambe mester keda wardá te 14 dia despues ku e turista bandoná nos isla.

### NOS TA BAI DIREKTAMENTE DEN 'LOCKDOWN' ATROBE SI BINI OTRO INFEKSHON?

Pa Boneiru tambe un posibel konstatashon di infekshon ku COVID-19 ta un realidat. Boneiru a traha duru riba ampliashon di kapasidat di kuido, di manera ku nos ta bon prepará pa un posibel kaso di infekshon den futuro i nos no tin mester di bai direktamente den 'lockdown' ora un kaso di infekshon presentá su mes.

Dependiente di e situashon lo wak si tin mester di medida i kua medida ta nesesario pa protehá poblashon di Boneiru kontra un brote di infekshon ku COVID-19. Pa esaki a elaborá vários senario. E ora ei den esaki no solamente ta tuma e situashon di Boneiru na konsiderashon na e momentu ei, pero tambe esun di e paisnan for di kua hendenan por biaha pa Boneiru.

### KIKO TA BIRA E PERIODO ENTRE ANUNSIO DI UN PROHIBISHON PA BULA SI ESAKI TA NESESARIO I MI POR BIN KAS BÈK AINDA E ORA EI?

Si ta nesesario pa bini ku un prohibishon pa bula (limitá), no por duna garantia ku ainda bo por bin kas bèk, si bo ta biba na Boneiru. Den práktika semper tin un periodo promé ku realisashon di un prohibishon pa bula. Bo lo por usa e periodo ei pa regresá Boneiru, pero pa esaki tampoko no por duna garantia.

Por lo demas bo tin ku tene kuenta tambe ku e situashon den e paisnan pa kua bo ta biaha: por sierto nan tambe por pone un paro na tur tráfiiko aéreo. Den e kaso ei tampoko no ta duna garantia ku bo por bin Boneiru bèk.

### KON TA KONTROLÁ KU MAKSIMALMENTE 1000 PASAHERO TA DRENTA BONEIRU PA SIMAN?

Esaki ta tuma lugá pa medio di monitoriá e buelonan ku ta drenta na Boneiru. Por ampliá òf redusí e kantidat di pasahero, kaminda e relashon entre e kantidat di posibel infekshon i kapasidat di kuido di salú di Boneiru lo ta e punto di salida.





KON NOS TA BAI ANDA AWORÓ KU PASAHERONAN KRUSERO ORA KU BARKUNAN KRUSERO BOLBE KUMINSÁ MARA NA BONEIRU?

Por lo pronto no ta konosí ki dia barkunan krusero ta bolbe bin Boneiru. Asina ku esaki bira konosí, gobièrnu lo pone e riesgonan di infekshon ku COVID-19 ku ta akompañá esaki, den kombinashon ku kapasidat di kuido di salú na Boneiru, den balansa i preskribí medidanan adekuá. Na e momentunan aki e medidanan di komportashon ta vigente pa tur hende na Boneiru, tantu habitantenan komo bishitantenan, i por lo tantu pa bishitantenan tambe ku ta yega aki ku barku.

## **PREGUNTA TOKANTE RIESGO DI INFEKSHON KU COVID-19**

KON GRANDI E RIESGO TA KU UN HENDE TA BINI BONEIRU KU INFEKSHON, KU E MEDIDANAN KU A TUMA?

A base di e situashon epidemiológiko di un pais òf estado for di kua biaheronan ta bini, por hasi un kalkulashon di e riesgo di introdukshon di COVID-19 den e pais di destinashon. For di paisnan kaminda e prevalensia (prevenshon di e vírus) ta haltu, e chèns pa haña un turista ku COVID-19 naturalmente ta mas haltu ku for di un pais kaminda e prevalensia ta abou.

Pa laga e chèns ku un hende ku ta infektá ku COVID-19 ta mas abou posibel, ta tuma e siguiente pasonan:

- ta apuntá un kantidat limitá di pais ku un prevalensia abou pa COVID-19, for di kua bo por biaha pa Boneiru,
- ta supliká kada biahero pa yena un deklarashon di salú,
- ta konsehá biaheronan di 13 aña òf mas pa laga hasi un tèst di PCR di COVID-19, maksimalmente 72 ora promé ku biaha.

E medidanan aki ta sòru ku e riesgo ku un hende infektá ta bini Boneiru, ta aseptabel den relashon ku kapasidat di kuido na Boneiru.

KON GRANDI E CHÈNS TA KU BO TA INFEKTÁ KU COVID-19 SI BO TIN SÍNTOMA?

Na e momentunan aki ménos ku 1% di hendenan for di Hulanda ku tin síntoma ku lo por ta un indikashon di un infekshon ku COVID-19, ta tèst positivo pa COVID-19.



